

aliarum specierum, ex quarum compositione salus efficitur egrotantium, sed ministros a. 801  
esse in colligendo et in unum pigmentaria manu<sup>a</sup> conficiendo<sup>b</sup> corpus. Sic etiam, ineunte.  
sic<sup>c</sup> forsitan meae devotionis labor aliquid vestrae caritati<sup>b</sup> proficere valet. Nec ex  
uno quolibet paternae possessionis prato<sup>d</sup> mihi flores colligendos esse censeo, sed  
5 multorum patrum, humili corde, prona<sup>e</sup> cervice, florida rura peragrandam mihi esse  
video, ut sine periculo nominis<sup>f</sup> mei satisfaciam sanctissimae voluntati vestrae. Primo-  
que omnium sancti Augustini suffragia quaerens, qui maiori studio huius sancti evan-  
gelii exponere nisus est sacratissima verba. Deinde ex opusculis sancti Ambrosii  
clarissimi<sup>g</sup> doctoris aliqua trahens; necnon ex omeliis<sup>h</sup> praecipui patris Gregorii papae,  
10 vel ex omeliis beati Bedae presbiteri, multa adsumens; aliorumque sanctorum patrum,  
sicut invenire potui, interpretationes posui; magis horum omnium sensibus ac verbis  
utens, quam meae quicquam praesumptioni<sup>i</sup> committens, veluti legentium curiositas  
facile probare poterit; cautissimo<sup>k</sup> plane stilo praevidens, divina opitulante gratia, ne  
quid contrarium sanctorum patrum sensibus ponerem.

15 Igitur et omne opus secundum capitula eiusdem evangelii distinxi, ac sub numero  
septem librorum consummavi; optans vos, septiformis Spiritus gratia inspirante pectora  
vestra<sup>l</sup>, variis in ecclesia Christi florere deliciis<sup>m</sup> et ambulare cotidie cum sanctis de  
virtute in virtutem, donec videatur deus deorum in Sion, ubi perpetua dulcedine inter  
choros caelestium agminum dicatis: 'Beati qui habitant in domo tua, Domine; in seculum Ps. 83, 5.  
20 seculi laudabunt te'.

## 214.

*Alcvinus Gislæ abbatissae Calensi, sorori Caroli imperatoris, et Rodtrudae eiusdem  
filiae mittit reliquas partes commentarii in Iohannis evangelium. Gaudet de Carolo im-  
peratore facto, de Leonis III papae prosperitate, de legatione Hierosolymitana.*

a. 801 ineunte.

25 Cod. H fol. 34—35<sup>a</sup>.

Edd. Frobenius I, 459, J 159. — Migne col. 737.

DILECTISSIMIS IN CHRISTO PERSONIS LUCIAE<sup>1</sup> ET COLUMBAE<sup>2</sup> ALBINUS FRATER ET PATER  
IN SOLACIO SANCTI SPIRITUS SALUTEM.

Memor petitionis vestrae et promissionis meae, quamvis tardius implerem propter  
30 occupationes perplurimas, tamen nullatenus obliviscebar, quod me spondidisse<sup>b</sup> recor-  
dabar<sup>c</sup>. Opus arduum et difficile et meae parvitati praesumptiosum iniunxistis. Sed  
caritati nihil negare ratum duxi; quia nihil impossibile eo, qui est caritas vera,  
optime sciebam.

Devotus sanctorum patrum cellaria peragrans<sup>3</sup>, quicquid in eis invenire valui  
35 vobis ad gustandum adtuli, ut probetis, si saporem habeat catholicum, vel secus,  
quod absit. Quod legebam, plena fide secundum memoriae integritatem protuli; prae-  
ponens etiam huic operi<sup>4</sup> epistolam petitionis vestrae<sup>5</sup>, ut in posterum agnoscerent

<sup>a</sup>) manum E.    <sup>b</sup>) om. O.    <sup>c</sup>) si G.    <sup>d</sup>) patro O, corr. in patrono E; patre G.    <sup>e</sup>) persona E;  
prona cerv. om. O.    <sup>f</sup>) nominis mei om. O.    <sup>g</sup>) sanctissimi G.    <sup>h</sup>) homeliis V.    <sup>i</sup>) presumptione O.  
40 <sup>k</sup>) cautissime E.    <sup>l</sup>) nostra V.    <sup>m</sup>) deliciis O.

214. <sup>a</sup>) Lemma: Ad sororem et filiam H.    <sup>b</sup>) spondere H.    <sup>c</sup>) recordabor H.

1) Gislæ abbatissae Calensi, sorori Caroli regis; v. epp. 195 et 196 supra p. 322 et 323, cf. Carmen  
Alcivini (Poet. Carol. I, 237): Lucia, vive Deo felix, clarissima virgo, | Semper in aeternum Lucia virgo  
vale.    2) Rodtrudae; v. supra p. 322 n. 11.    3) Albinus contra haeres. Felicis c. 2: antiquorum  
45 patrum pigmentarias perscrutari curavi cellas; c. 13: Ingrediamur . . . sanctorum patrum aromaticas  
cellas (ed. Frobenius I, 760. 763).    4) Commentario in Iohannis evangelium, ed. Frobenius T. I,  
464—648.    5) ep. 196 supra p. 323.